



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno 633. Usque Ad Annum 726

Fleury, Claude

August. Vind. [u.a.], 1760

VD18 90117840

§. 14. Collatio cum Troilo & Sergio.

[urn:nbn:de:hbz:466:1-66082](https://nbn-resolving.org/urn:nbn:de:hbz:466:1-66082)

Sæculum VII S. Maximus respondit: *Anathema Origeni, Doctrinæ ejus, & omnibus ejusdem Sectatoribus!* Epiphanius Patricius dixit: *Domine Abbas Mena! diluit Maximus hoc Anathematismo objectionem tuam, etiamsi antea Origenista fuisset; hinc istam accusationem non amplius audiam.*

§. XIV.

Collatio cum Troilo & Sergio.

Eodem die sub noctem Troilus Patricius & Sergius Eucratæ Aulæ Cæsareæ Præfectus ad S. Maximum venerunt, & postquam confedissent, & Abbatem quoque sedere jussissent, dixerunt: *Narra nobis, Domine Abba! Colloquia, quæ cum Pirro in Africa & Romæ habuisti, & quo pacto persuadere potueris, ut suam Doctrinam anathematizaret, & tuam amplecteretur.* S. Maximus omnia ordine retulit, quæ meminerat, & adjecit: *Non habeo Doctrinam particularem, sed est Doctrina communis Ecclesiæ Catholicæ.* Tum quæsierunt, quare cum Sede Constantinopolitana non communicaret. *Ideo non communico, inquit, quia Constantinopolitani recipiendo novem Articulos Alexandrinos, Ectesim Sergii, & Typum Indictione sexta promulgatum, quatuor Concilia rejecerunt, & quia novem Articulos recipiendo Ectesim damnarunt, & Ectesim recipiendo, Typum ab-*
roga-

rogarunt. Itaque homines, toties a se ipsis damnati, a Romanis, & a Concilio Indictione octava celebrato depositi, quomodo Sacra Mystera celebrare, & quomodo ad ea Spiritum Sanctum adducere possint?

Sæculum VII
A.C. 655.

Responderunt: Vis dicere: te solum salvandum esse, reliquos vero omnes damnandos. S. Maximus dixit: Neminem condemno, avertat Deus! sed mori malo, quam conscientie stimulos sentire, quod a vera Fide vel latum unguem discesserim. Dixerunt: Quid autem facies, si Romani ad Fidem Byzantinorum redeant? Ecce enim Apocristarii Romani veri advenerunt. Crastino, die Dominico, cum Patriarcha communicabunt, & omnibus patebit, Romanos a te solo fuisse perversos, cum te absente jam nobis jungentur. Respondit: Hi, qui advenerunt, Sedi Romanæ nullatenus nocere possunt, etiamsi communicarent, quia ad Patriarcham nullas litteras attulerunt, nec adduci possum, ut credam, Romanos cum Byzantinis communicaturos, nisi hi in Jesu Christo duas Voluntates, & duas Operationes confiteantur. Verumtamen si Romani cum istis communicent, quid factururus es? S. Maximus: Spiritus S. per os Apostoli etiam Angelos anathematizat, si evangelizent, præterquam quod evangelizatum est. Hi Legati ab Eugenio Epist. Anast. Papa ad Coral.

Sæculum VII Papa missos fuisse, conjectura est, & o-
A. C. 655. mnino eo adducti sunt, ut consentirent,
 unam voluntatem præter duas (*) esse
 affirmandam.

Troilus & Sergius deinde ex S. Ma-
 ximo quæsierunt: *Estne absolute ne-
 cessarium in Jesu Christo plures Volun-
 tates & plures Operationes confiteri?*
*Necessarium est, respondit, si veram Re-
 ligionem conservare velimus. Nullum
 quippe Ens sine operatione sibi naturali
 existere potest, & Patres clare docent,
 nullam Naturam sine sua Operatione es-
 sentiali cognosci posse. Responderunt:
 Satis dispicimus, rem ita se habere. Sed
 noli offendere Imperatorem, qui Typum
 amore pacis edidit. S. Maximus hæns*
 & in terram prostratus dixit: *Imperator
 non debebat mihi irasci, nam permoveri
 non possum, ut Deum offendam, & dis-
 simulem, quæ Deus affirmari præcepit.*
 Deinde demonstravit, neminem posse JE-
 sum Christum perfectum Deum & ho-
 minem confiteri, nisi duas Voluntates &
 duas Operationes affirmet.

S. Maximus.

Post alia quædam dicta, quæ sibi ad-
 modum placere significarunt, Sergius di-
 xit:

(*) Id capi vix potest, nisi forte quis dicat,
 hos Legatos voluisse affirmare unam Volunta-
 tem Divinam, alteram Humanam; & quia tamen
 unus est volens, unam tertiam ex Divina & Hu-
 mana resultantem.

xit: *Unum est, quo omnes affligimur, nempe, quod multos a Communione hujus Ecclesiae avertas.* S. Maximus respondit: *Estne aliquis, qui affirmet, me prohibuisse, ne cum Ecclesia Constantinopolitana communicet?* Sergius dixit: *Cum tu non communices, satis suades ceteris, non esse communicandum.* S. Maximus: *Conscientiae nostrae fortior vis est, quam cujuscunque periculi metus, vel spes solatii.*

Sæculum VII
A. C. 655.

Quia vero dictum fuerat, Typum a toto Occidente anathematizari, Troilus dixit: *An factum viri eximii sit, de fama Imperatoris detrabere?* S. Maximus: *Ignoscat Deus illis, qui Imperatorem ad edendum Typum impulerunt, illisque, qui consenserunt! Qui sunt illi?* reposuit Troilus, S. Maximus respondit: *Viri Ecclesiastici impulerunt, & Senatores consenserunt, cujus facti probrum recidit in Imperatorem, innocentem, & ab omni Hæresi alienum. Sed jam isto Principem consilio juvate, suadete, ut faciat, quod Avus ejus felicitis memorie fecit.*

Tum narravit, qua ratione Heraclius Ectesim retractasset, quibus auditis, capita moventes, vocem aliquamdiu presserunt, & tandem dixerunt: *Utrinque obstacula occurrunt insuperabilia.* Et tunc quidem comiter data acceptaque salute discesserunt.

Sup. Lib.
XXXVIII.
§. 24.

Hist. Eccles. Tom. IX. P §. XV.